

rentemente aricordo a quella, sicome *etiam* ho fato in ogni tempo, havendo la praticia anzi continua conversation a Costantinopoli e altri lochi maritimi del Signor turco, per navegar in continuo per quelli, poi come servidor di la vostra Signoria ho voluto sotilmente veder et explorar l'armata e qualità de navilij de ogni sorte che 'l può trazere per armar per viazo longo e curto; trovo et cussì certifico la prelibata Signoria vostra acciò quella sapia la spesa e provision ha a far.

|  |       |
|--|-------|
| Prima, ho visto e trovato el ditto signor Turcho have solamente a Costantinopoli galie nove. . . . .                       | N. 24 |
| <i>Item</i> , galie vecchie, le qual non pono esser per viazo longo . . . . .  | » 32  |
| <i>Item</i> , parandarie bastarde e grosse per condur cavali, bombarde et vituarie . . . . .                               | » 14  |
| <i>Item</i> , parandarie a modo di galie sotil nove. . . . .   | » 16  |
| <i>Item</i> , fuste da 10 fin 14 banchi, nove . . . . .  | » 12  |
| <i>Item</i> , nave grosse da 3000 bote, nove . . . . .   | » 2   |
| <i>Item</i> , le soe nave vecchie, come sapete . . . . .   | » 3   |
| <i>Item</i> , galeaze, come sapete sono scavezate . . . . .  | » 3   |
| <i>Item</i> , nave tre, che li fo mandà da Trabesonda e da Caffa per presente . . . . .                                    | » 3   |
| <i>Item</i> , el barzoto di missier Domenego Venier . . . . .  | » 1   |
| <i>Item</i> , barzoto di Candia . . . . .  | » 1   |
| <i>Item</i> , barzoti mandati per avanti per Camali . . . . .  | » 2   |
| <i>Item</i> , barza una presa per Camali soto Montesanto. . . . .  | » 1   |
| <i>Item</i> , navilij tolti de Syo, zoè barza una de Piero Sacho e una de Jego Zanzo e una presa in canal de Syo . . . . . | » 3   |
| <i>Item</i> , barza una che l'està passà, el ditto prese in Alexandria . . . . .   | » 1   |
| <i>Item</i> , una naveta di Rodi . . . . .   | » 1   |

*L'armata che se atrova in Galipoli.*

|   |       |
|---|-------|
| Galie in Mandrachio, zoè nel porto in aqua, nove . . . . .      | N. 18 |
| <i>Item</i> , in terra, nove. . . . .                           | » 4   |
| <i>Item</i> , parematarie per portar pesi grossi. . . . .       | » 4   |
| <i>Item</i> , fuste da banchi 14 fin 18, nove in terra. . . . . | » 4   |
| <i>Item</i> , fuste in aqua, da 14 fin 16 banchi, nove. . . . . | » 9   |

E queste s' intende per viazo lontan *excepto* galie vecchie, ma per viazo curto pol far da velle 200.

*Item*, notifico quelli do fono qui è spioni, e vojo verificar constar e provar, come *etiam* deti aviso di Doardo e Conte che veneno qui in nome de ambascadori, *tamen* erano spioni de Mustafà bei, e per il suo spionar fono sta grossamente beneficiadi, e de Timarati e Mustafà bei, che li mandoe, fo fato Belar bei, zoè signor di tutti i signori di la Romania. E questo fo essendo cao di X missier Vido Cavatorta, come sa *etiam* missier Alvisè Manenti e altri, ricordi per mi dati in nota, et sono pochi cristiani che a la porta dil Signor turcho possi mostrar la faza, come mi, e che bisognando mi oferisco, e pol far fede missier Piero Malipiero et altri.

*Item*, aricordo ai bisogni per la propinquità de l'ixola de Candia a la Turchia, se può in 8 zorni armar in Candia galie 30 da homini da remo senza soldo, perchè el se atrova su ditta isola da 8 in 9 milia casali, a franchar uno parcho per caxal, armarà le ditte galie 30, le qual per la propinquità ve valerà per 50 de quelle se armano qui per la distantia, et per la reputation quando si armasse galie 30 in Candia, la vose anderia a Costantinopoli le fosseno più de cinquanta.

*Item*, volendo la Signoria vostra ogni gran quantità di pedoni asprissimi arcieri, per bisogno in Levante e in Italia, quella ne potrà trazer quanti la vorà de dita isola senza alcun soldo, salvo el pan, facendoli franchi come ho ditto a uno parcho per casale.

In merito di questo voria da vostra Signoria do bombarde e una gomena che mi fo tolte per Camali per servir la vostra Signoria. »

A di 2 aprile. In collegio referite sier Polo Pixani el cavalier, come più zovene, quello haviano fato con li compagni dal ducha di Ferrara, et coloquij abuti, quali eri fono da soa excelentia; et che li oratori pixani erano stati li racomandandosi etc. Et fo ordinato, per collegio, questi tre, *iterum* ozi, *licet* sia consejo andaseno. Et fo leto una poliza mandata per missier Urban di Monferà, avisa di nove de alemani: come bernesi et fiborgesi per fredì sono tortornati a caxa, e bernesi hanno lassato 500 fanti per la sua rota in campo; et cussì li altri et suvij a Ulmo è anegati pur assai, non si pol campizar ivi; et hanno 6 bandiere a villa dita Raspureh tolte e portate a Berna, e tolto castelli tre e preso Costanza; sguizari sta pur con animo di ritornar a la guerra, non hanno bon sangue contra il re di romani; e li è uno ambasiator dil re per aconzar le cosse.